

左
通
補
釋

補釋廿九

起定公元年盡七年

左通一

錢塘梁履繩學

定元而田於大陸焚焉還卒於甯解禹貢大陸在鉅鹿北嫌絕

遠疑此田在汲郡吳澤

土地名大陸汲郡脩武縣西北吳澤

荒蕪之地火田并

見燒也爾雅廣平曰陸甯今脩武縣近吳澤

甯見文五

冀州疏曰春秋傳魏獻子田於大陸焚焉還卒於甯杜氏

嫌鉅鹿絕遠以為汲郡脩武縣吳澤也甯即脩武然此二

澤相去甚遠所以得為大陸者以爾雅廣平曰陸但廣而

平者則名大陸故異所而同名焉案此說允當脩武今獲

嘉縣

屬河南衛輝府

縣西北有吳澤陂其旁近地即大陸也

禹貢錐指

十三中之下

案呂氏春秋有始覽晉之大陸高注魏獻子所畋是誤以禹貢之大陸解傳矣漢書五行志中之上

師古注高平曰陸是也

五行志云魏獻子田于大陸焚焉而死師古

曰因放火田獵而見燒殺也案志所載田于大陸焚而死

國語文也

周語下

內傳亦載此事云田于大陸焚焉還卒于

甯觀此則非因獵被焚而卒禮季春出火爲焚也注謂焚

萊志本指言舒以諸侯之臣而代天子大夫莅政是爲貌

之不恭故不旋踵而卒大歸不過如此

兩漢刊誤補遺五

薛之皇祖奚仲居薛以爲夏車正奚仲遷于邳仲虺居薛以

爲湯左相解皇大也奚仲爲夏禹掌車服大夫邳下邳縣仲

虺奚仲之後

薛詳隱十一年正義

黃帝孫顓頊少子陽封於任十二世孫奚仲爲夏車正禹

封爲薛侯其地魯國薛縣是也奚仲遷于邳十二世孫仲

虺復居薛爲湯左相臣扈祖已皆其胄裔也

唐書宰相世系表三下

奚仲爲夏車正建其旂旄尊卑上下各有等級

續漢書輿服志上

世本云奚仲始作車

案文選演連珠注亦引之又引尸子曰造車者奚仲也

古史考

曰黃帝作車引重致遠其後少昊時駕牛禹時奚仲駕馬

案初學記器物部亦引譙周古史考

臣昭案服牛乘馬以利天下其所起遠

矣豈奚仲爲始世本之誤史考所說是也

又邳今江南蘇

徐州府邳州卽此地後仲虺還薛而他族繼處之卽姚邳

之邳也

見昭元

今州治稍移而北

春秋輿圖

伊尹摯也萊朱亦湯

賢臣也一曰仲虺是也春秋傳曰仲虺居薛爲湯左相是

則伊尹爲右相

孟子趙岐注十四

李燾仁父言古之所謂相者一

而已初未嘗使它人參貳乎其間堯相舜舜相禹禹相皋

陶臯陶既沒乃相益湯相伊尹傳所謂仲虺爲湯左相者
不足信也案薛宰自述其皇祖曾居是官或出成湯一時
之權制非恆法下至襄二十五年慶封爲齊左相雖亂人
亦或有因於古未可知惟通典本管子稱黃帝置六相五
篇文十八年大史克稱舜舉十六相相則輔助之名非仁
父所謂一相之任之相善夫王華歆曰宰相頓有數人天
下何由得安彼六朝人且知之況黃虞盛世哉尚書古文
疏證五上
案呂氏春秋君守篇奚仲作車荀子解蔽篇淮南脩務
訓並有此文楊倞注云黃帝時已有車服故謂之軒轅此
云奚仲者亦改制耳然荀子又曰乘杜作乘馬呂氏春秋
勿躬篇曰乘雅作駕則史考奚仲駕馬之說尚不足據依

文子自然篇曰奚仲爲工師

淮南齊俗訓奚仲爲工

管子形勢篇曰

奚仲之巧非斲削也蓋亦如垂作共工之官非造車駕馬

之謂輿服志所云建旂旒以別等級卽楊倞所謂改制者

是已

山海經海內經番禺生奚仲奚仲生吉光吉光是始以木爲車郭注世本云奚仲作車此言吉光明其父

子共創作意是以互稱之案吉光它書所不及附錄以廣異聞

萇叔違天

叔弘字也

國語周語下注

不可支也

支柱也

周語下注

詳見肥說

叔孫成子解叔孫嫗之子

叔孫成子爲子士氏亦爲叔孫氏

通志氏族略三

子家子不見叔孫

既昭公不獲反國而薨於外則季孫逐君之罪終不可掩

而君臣之義絕故子家子亦與季孫絕其不見叔孫卽所

以絕季孫也

趙氏補注十

若立君則有卿士大夫與守龜在羈弗敢知

有卿士大夫與守龜在則雖季孫亦不得專季孫怨公行

公爲而絕昭公之世故荅以不敢知

趙氏補注十

則貌而出者入可也

解貌出謂以義從公與季氏無實怨

趙氏補注

十

寇而出者行可也

解與季氏爲寇讎者自可去

與季孫爲讎者自不得行季孫使叔孫聽命於已故直

辭以拒之

趙氏補注十

若羈也則君知其出也而未知其入也羈將逃也

言已則異於二者君知其出謂君生則從君而出也未知

其入謂君薨而入是以君死爲無知也晉語欒共子辭曲

沃武公亦曰且君知成之從也

成共子名

未知其待於曲沃也

語意正相似皆忠臣死生不貳之辭

趙氏補注十

乃止

諡之曰昭亦但取其習於威儀爾諡法容儀恭美曰昭

案昭

元年正義引作威儀共明

案周之昭王南征不復晉昭侯

鄭昭公宋昭公蔡昭侯皆見弑於其臣是昭非饗國克終

之諡也此外齊晉曹許皆有昭公亦無可稱而周之甘昭公以罪見殺至楚昭王燕昭王秦昭襄王漢孝昭帝始以爲美諡而唐之昭宗亦見弑

日知錄十四

孔子之爲司寇也正義孔子之爲司寇在定公十年以後十二年正義史記孔子世家云定公以孔子爲中都宰一年四方皆則之由中都爲司空由司空爲大司寇十年會于夾谷時已爲司寇矣十四年孔子由大司寇攝行相事

案魯自成襄以後司徒司馬司空三卿常以三家居之而子叔氏臧氏亦以世卿見於春秋又如成二年戰于鞌季孫行父臧孫許叔孫僑如公孫嬰齊四卿並行其時尚有仲嬰齊仲孫蔑兩卿則魯亦有六卿但其官名惟臧孫許

知是司寇餘二卿則不可考耳冉求稱孔子爲國老

哀十

而孔子之卒書於魯史蓋昭定之世臧氏漸微故以孔子

代之崔氏以爲小司寇者疑非然也

五禮通考二百十六

案公羊定

十四年傳疏云魯無司寇之卿是以大夫亦名大恐不然

攷檀弓王制疏引崔靈恩云諸侯三卿司徒兼冢宰司馬

兼宗伯司空兼司寇諸侯不立冢宰宗伯司寇之官三卿

之下則五小卿爲五大夫司徒下立二人小宰小司徒司

空下立一人小司寇小司空司馬下立一人爲小司馬但

春秋之世侯國多不遵三卿之制卽魯三家之外有東門

氏臧氏子叔氏宣成時同在卿列則亦儼然六卿矣臧宣

叔武仲皆以世卿而爲司寇此豈猶是小司寇之職乎昭

定以後臧氏替而以孔子居之亦事理所有史云大司寇者別於小司寇之下大夫也若司空卿則孟孫世居之孔子必是小司空韓詩外傳八有孔子為司寇命辭續經書孔子卒亦為卿之證毛氏奇齡經問十二謂夫子由小卿司空進大司寇良是宋祝穆事文類聚司徒門引符子有魯侯因左丘明之言召孔子為司徒事雖不可據亦是前賢或謂孔子為小司寇非卿見四書釋地續或謂小司徒也

孔子為司空司寇皆卿見馮景解並非史記志疑春集二

昭公出故季平子禱于煬公九月立煬宮解平子逐君懼而請禱于煬公昭公死于外自以為獲福故立其宮正義既毀其廟而得禱者蓋就祧而禱之

魯煬公者伯禽之子也至昭公定公久已為鬼而季氏禱

之而立其宮則鬼之主在祧明矣禮記祭法注萬孝恭氏曰煬

公考公之弟也魯以弟繼兄蓋始乎此定公乃昭公之弟

季孫舍昭公之適嗣而立定公恐人議已於是立煬宮其

意若曰魯一主一及乃國之舊制案本公羊莊二年傳非吾之私

意也趙氏集傳十四案季孫自逐君後不即立君者本意欲廢

太子衍及務人而立公子宋患國人議之且攝行君事本五

年王以博事君如在國之美名至昭公死於外而公子宋

之位定矣萬氏之論真能抉季孫之陰謀否則何公不可

禱而獨於祧主之煬公禱而立之乎

二定
桐叛楚解桐小國廬江舒縣西南有桐鄉土地名作桐亭

桐偃姓大事表五九域志云楚附庸今舒城縣西南有桐鄉案縣

屬安徽
廬州府

或曰安慶府桐城縣亦桐國地也

春秋地名
攷略十四

吳子使舒鳩氏誘楚人解舒鳩楚屬國

襄二十五年楚滅舒鳩此復見者蓋楚雖滅之猶存其祀

故爲屬國也

春秋地名
攷略十三

吳人見舟于豫章而潛師于巢無僞將爲楚伐桐實欲以擊楚

潛者對見舟而言見舟伐桐潛師伐楚此用伍員誤楚之計也漢淮陰陳船臨晉伏兵夏陽類此

讀左日
鈔十一

闔乞肉焉奪之杖以敲之

諸侯燕禮賓醉而出必取所薦脯重君賜也以所執脯賜鐘人於門內雷廣君惠也夷射姑私出無脯奪杖敲闔無

禮甚矣

惠氏補注六

定三春二月辛卯

吳縣楊昌霖曰長歷云二月辛卯二十九日三月無辛卯日二小傳作三月辛卯誤也

邾子在門臺解門上有臺

門臺蓋卽諸侯臺門之制禮器正義曰兩邊築闔爲基基

上起屋曰臺門

尚靜齋經說謹案邾特牲正義作兩邊起土爲臺臺上築屋曰臺門又禮書三十

七日臺門以其高於垣墉若臺然也與孔義別

闔以餅水沃廷邾子望見之怒闔曰夷射姑旋焉解旋小便

漢書張安世傳云郎有醉小便殿上上事曰行法安世曰

何以知其不反水漿耶

反讀

事正與此相背而君子小人

懸絕矣

周氏附論

先葬以車五乘殉五人解欲藏中之潔故先內車及殉別爲便房蓋其遺命

服虔曰便房藏中便坐也

漢書霍光傳注

鮮虞人敗晉師于平中解平中晉地

昭十三年晉荀吳帥師侵鮮虞及中人杜云中山望都縣西北有中人城在今直隸保定府唐縣西北十三里此平

中當亦相近

大事表七之三

盟于郊解郊卽拔也釋文郊音談

拔郊二名未聞古屬何國闕

杜氏土地名

或曰在山東兗州府

滋陽縣境

春秋輿圖

案宣四年有郊國此魯與邾脩好疑當

在魯竟內釋文並音談土地名盟會圖疏附於鄰國下音
炎此鄰不出音豈鄰有兩讀國與地別如蓼費之類耶見桓
十一年及隱元年古音

蔡昭侯爲兩佩與兩裘

蔡昭侯南朝楚被羔裘

越絕書三

四定水潦方降疾瘡方起

汪瑜曰內經岐伯曰夏傷於大暑其汗大出腠理開發因
遇夏氣淒滄之水寒藏於腠理皮膚之中秋傷於風則病
成矣

中山不服解中山鮮虞

中山鮮虞國治盧奴縣

杜氏土地名

中山國一名中人亭故城

在今定州唐縣東北張曜中山記曰城中有山故曰中山

盧奴縣名屬中山國故城在今定州安喜縣

後漢書光武帝紀上注

鮮虞國在直隸正定府正定縣西北四十里亦曰中山

春秋

輿圖

案昭十二年解鮮虞在中山新市縣新市故城在今

正定府新樂縣蓋鮮虞徙居中山即以為國名地不甚相

遠也

嘖有煩言

解

嘖至也煩言忿爭正義嘖至賈逵云然是相傳

訓也易繫辭云聖人有以見天下之賾謂見其至深之處賾

亦深之義也

云云

聖人有以見天下之賾九家作冊京房許慎皆作嘖棟案

經賾字皆當作嘖後漢范式碑云探嘖研機

見隸釋

揚子太

玄經云陰陽所以抽嘖嘖情也左氏傳云嘖有煩言正義云易繫辭云聖人有以見天下之嘖謂見其至深之處嘖亦深之義也案今本作嘖乃後人所改是古皆作嘖釋名曰冊嘖也是冊與嘖通惠氏周易古義下

若嘉好之事解謂朝會 君行師從解二千五百人 卿行

旅從解五百人

五百人爲旅五旅爲師春秋傳曰諸侯之制君行師從卿

行旅從

詩黍苗箋

彼文無諸侯之制一句鄭亦以義言之明天

子之卿與諸侯同故有師也彼傳君行師從謂嘉好之事

服虔云謂會同杜預云謂朝會此雖作役非征伐故同嘉

好之事也

又正義

及皐鼬解繁昌縣東南有城皐亭

鄭地

杜氏土地名

鄭皐鼬在河南許州府

今改州治

臨潁縣西北

春秋

圖與

將長蔡於衛解欲令蔡先衛歆

服虔曰載書使蔡在衛上

史記管蔡世家集解

夏后氏之璜解璜美玉名

半圭曰璋半璧曰璜夏后氏之珍玉也

淮南子論訓注案又見精神訓

昔成王賜伯禽以夏后氏之璜明堂位曰大璜天子之器

則陽虎所竊之寶玉杜預所謂大璜是也公羊曰璋判白

誤矣

禮書五十四

案哀十四年宋向魋有夏后氏之璜疑亦

宋公之分玉而向魋竊藏之者也

封父之繁弱解封父古諸侯也繁弱大弓名正義鄭玄云古

者伐國遷其重器以與同姓云云

封氏出自姜姓炎帝裔孫鉅爲黃帝師胙土命氏至夏后

氏之世封父列爲諸侯其地汴州封丘有封父亭卽封父

所都至周失國子孫爲齊大夫

案襄廿五年傳有封具唐書宰相世系表一下

封丘縣河南開封府北七十里古封父國

案今封丘縣屬衛輝府讀史

方輿紀要四十七

鄭康成曰封父國名

見明堂位注

荀子曰繁弱鉅黍

古之良弓也

見性惡篇

繁亦作蕃古字通上林賦云鬱蕃弱文

穎曰夏后氏良弓之名

見文選注惠氏補注六

案呂氏春秋具備

篇注繁弱良弓所出地也因以爲弓名恐是以意爲說餘

見攷異

殷民六族條氏徐氏蕭氏索氏長勺氏尾勺氏

注云殷民祿父之餘民三十族六姓也

周禮秋官司約疏陳氏集解改正

云疑是賈服注案三十族未詳所本俟考

因商奄之民解商奄國名也

正義

昭九年傳云蒲姑商奄吾

東土也云云

案傳以商奄對蒲姑而言之故杜氏不用毛傳自以商奄

為一國

趙氏補注

命以伯禽

正義

劉炫云伯禽猶下命以康誥是伯禽為命書

王命周公後作冊逸誥

書卷

王為冊書使史逸誥伯禽封

命之書皆同在烝祭日周公拜前魯公拜後

又傳封康叔謂

之康誥此命伯禽當云伯禽之誥定四年左傳云命以伯

禽卽史逸所讀之策也

又正義

成王封伯禽爲魯公召而告

之曰爾知爲人上之道乎凡處尊位者必以敬下順德況

諫必開不諱之門擗節安靜以藉之

案盧氏文弼校云德疑聽擗宋本作擗與

擗同亦見荀子藉元本籍

諫者勿振以威毋格其言博采其辭乃擇可

觀夫有文無武無以威下有武無文民畏不親文武俱行

威德乃成旣成威德民親以服清白上通巧佞下塞諫者

得進忠信乃畜伯禽再拜受命而辭

說苑君道篇

益都孫寶侗

仲愚謂書序爲後人僞作逸書之名亦多不典至如左氏

傳祝佗告萇弘其言魯也曰命以伯禽其言衛也曰命以

康誥其言晉也曰命以唐誥是則伯禽之命康誥唐誥周

書之三篇孔子所必錄也今獨康誥存而二書亡爲書序者不知其篇名而不列於百篇之內疏漏顯然是則不但書序可疑并百篇之名亦未可信矣其解命以伯禽爲書名伯禽之命尤爲切當日知錄二案孫氏之論良是說苑所載辭義淺易決非先周本文特采自雜家姑錄以補佚亡耳

而封於少皞之虛解少皞虛曲阜也在魯城內正義賈逵云少皞居窮桑登爲帝蓋未爲帝居魯北旣爲帝乃居魯也

帝王世紀曰黃帝生于壽丘在魯東門之北少昊自窮桑

登帝位窮桑在魯北後徙曲阜

續漢書郡國志二注

殷民七族陶氏施氏繁氏錡氏樊氏饑氏終葵氏

注云復如分周公欲使康叔以化之

周禮秋官司約疏

案寧老云

頌民皆畔逆之徒也其與乎畔而遷者皆商之世臣大族不與乎畔而留於殷者如祝佗所謂分康叔以殷民七族是以七族爲殷之庶民矣

案寧老語見目知錄二

上文分魯公以殷

民六族使帥其宗氏輯其分族將其類醜以法則周公用卽命于周是使之職事于魯一則曰宗氏再則曰分族尚得謂非商之世臣大族乎豈同一氏族而分康叔者獨爲民乎此不可解

潛丘劄記四下

取於有閭之士解有閭衛所受朝宿邑蓋近京畿

閭有閭晉之閭縣成王封康叔以有閭之士者地近洛與甘縣接境昭九年周甘人與晉閭嘉爭閭田預闕之樂史

在河陽有閭坎一為閭田解縣也

路史國名紀三

命以康誥而封於殷虛解康誥周書殷虛朝歌也

孔氏書傳雖晚出卻以康誥之康為圻內國名遠勝鄭康

成作諡號解者

見書正義

嘗證以二事一左傳命以康誥而封

於殷虛當既有誥文輒有篇名豈待身後之諡取以冠其

篇乎一史記衛世家康叔卒子康伯代立父諡康子亦諡

康將兩代同一易名之典乎故世本宋忠注曰封從畿內

之康徙封衛衛即殷墟畿內之康不知所在也

見衛世家索隱初

以為良然後讀括地志云故康城在許州陽翟縣西北三

十五里陽翟今禹州

案州屬河南開封府

正周畿內地

四書釋地續

今河

南衛輝府淇縣東北有朝歌城張洽集注以為在淇縣北

關西社是也自衛遷楚上河內殷虛更屬于晉

案襄廿二年齊取晉

朝歌大事表七之二

五叔無官解五叔管叔鮮蔡叔度成叔武霍叔處毛叔聃也

正義杜以振鐸非周公同母故不數之或杜別有所見不以

管蔡世家爲說

餘五叔皆就國無爲天子吏者案此因左傳五叔無官之

語而誤者也傳是泛說不專指管蔡叛後故杜注五叔以

管蔡成霍毛當之史直書於復封蔡仲之後則不得有五

叔矣於情事未合

史記志疑十九

案五叔無官者謂當周公康

叔聃季爲太宰等官之時五叔蓋皆未爲王官伯也不然

毛叔後爲毛公成王顧命時方爲司空兼太傅

本尚書古文疏證五

上
豈得謂無官邪餘詳駁證

曹爲伯甸解以伯爵居甸服言小正義鄭玄云曹今濟陰定陶也去王城八百里東都之畿方六百里半之三百里侯服五百里定陶在畿外故爲在甸服言其小也

鄭志趙商問定四年左傳曰曹爲伯甸言爵爲伯服在甸案曹國實今定陶去王城六七百里甸服在二服去王城一千五百里亦復不合敢問其故荅曰東都之畿方六百里半之三百里定陶去王城八百里有餘豈六七百也除畿內三百里又侯五百里定陶在外何謂之不合案以上並春秋志以子魚言爲伯甸本其始封而在甸服明東都六百初則然矣西都初則亦八百相通可知

詩王城
諸正義

晉重解文公

晉侯重耳之名見於經而祝佗述踐土之盟其載書止曰
晉重豈古人二名可但稱其一與昭元年莒展輿出奔吳
傳曰莒展之不立晉語四曹偆負羈稱叔振鐸爲先君叔
振亦二名而稱其一也班固幽通賦發還師以成命兮重
醉行而自耦潘岳西征賦重戮帶以定襄弘大順以霸世
文公名止用一字本於踐土載書卻非翦截古人名字之
比日知錄
二十三案文公名之單稱重疑在外年久列國皆習

呼其名得位之後自去一字以示異如吳楚諸王卽位更
名之類故踐土首盟載書稱重特春秋及傳猶仍其舊耳
否則傳之闕文詳肌
說又案陸氏道經釋文云老子姓李

名耳河上公云名重耳今人祇知稱耳李商隱樊南文集

四云豕韋晉耳之徒則亦可單稱耳矣

無始亂

賈逵曰無為亂始太平御覽人
事部三十一

還塞大隧直轅冥阨解三者漢東之隘道

傅遜曰大隧在今河南汝寧府羅山縣西南百二十里一

名九里關直轅疑為武勝關在今汝寧府信陽縣案縣今
改州仍

屬汝南冥阨在信陽縣東南九十里一名平靖關有大小

石門鑿山為道是漢東三隘道塞之使吳不得退因與瓦

師夾擊讀左日
鈔十一大隧即黃峴關今名九里關在信陽州南

九十里南至湖北應山縣案縣屬
德安府亦九十里一名百鴈關

直轅卽武陽關在信陽州東南一百五十里西南至應山
縣一百三十里一名武勝關又名澧山關今名大寨嶺其
阨卽平靖關在信陽州東南九十里南至應山縣亦九十
里今名行者陂案南齊志義陽有三關之隘謂平靖武陽
黃峴也義陽城與三關勢如首尾自魏晉以後三關之險
嘗爲南北重鎮

一統志一百二十七

塞城口而入解城口三隘道之總名

城口乃吳師北來之路是時吳方與楚夾漢屯駐漢口在
武昌漢陽之間深入楚內地司馬戍欲毀舟淮汭塞其歸
路前後夾擊乃漢李左車塞井陘之計世謂子常不從其
策以致敗余謂閻廬子胥精于用兵必然有備卽從其策

未能必勝大事表九城口疑卽黃土關在信陽州西南六十里

東接三關爲首尾相顧之地周氏附論

乃濟漢而陳自小別至于大別解禹貢漢水至大別南入江

然則此二別在江夏界正義土地名小別大別皆闕不知所

在或曰大別在安豐縣西南傳曰吳旣與楚夾漢然後楚乃

濟漢而陳自小別至于大別然則二別案此下今本土地名有在江夏界四字

近漢之名無緣反在安豐也

京相璠春秋土地名曰大別漢東山名也在安豐縣南案

氏禹貢注史記夏本紀索隱漢書地理志顏注並同杜預釋地曰二別近漢之名案

玄暉詩二別阻漢坻是也無緣乃在安豐也案地說言漢水東行觸大

別之阪南與江合則與尚書杜預相符但今不知所是矣

水經沔水下注大別山在漢陽府城東北半里漢水西岸水經注

江水東逕魯山南古翼際山也地說曰漢與江合于衡北

翼際山傍者也山上有吳江夏太守陸渙所治城蓋取二

水之名地理志曰夏水過郡入江故曰江夏也見江元和水三

志魯山一名大別山在漢陽縣東北一百步其山前枕蜀

江北帶漢水山上有吳將魯肅神祠案春秋地名攷略云山有魯肅祠因名

案大別山杜氏已知在江夏不在安豐案大事表九云安豐之大別另是一

山與禹貢左傳俱無涉安豐為今江南壽州大別山在今潁州府霍丘縣西南八十里去漢口絕遠鄺氏亦

主杜說而終不能指魯山為大別至唐人始能言之小別

一名甌山在漢川縣東南十里案讀史方輿紀要七十六云小別山形如甌亦名甌

山乃夏本紀索隱以大別山為甌山謬甚禹貢錐指十一下

二師陳于柏舉解楚地

柏舉楚南鄙邑

呂氏春秋首時篇注

湖廣黃州府麻城縣東六十里

龜峯山上有白黑二龍井卽舉水之源也又縣東北三十

里有柏子山春秋定四年吳楚陳于柏舉蓋合柏山舉水

而名

案舉水見水經江水三注讀史方輿紀要七十六

及清發解水名

水經注潁水過安陸縣西又南逕石巖山北亦謂之清水

卽春秋時吳從楚師處今湖廣德安府安陸縣城西八十

里有石巖山潁水經其下

大事表八下

敗諸雍澨

澨水湖廣安陸府京山縣西南八十里源出縣西七十里

之磨石山下流合縣前河通于漢江或以爲卽春秋時之

雍澨

讀史方輿紀要七十七

涉睢解睢水出新城呂魏縣東南至枝江縣入江是楚王西

走王義土地名睢水出新城昌魏縣南發河山

案今本作睢出新城昌魏

縣東南河山上脫發字孔本作後河山後字乃發之東南

經襄陽至南郡枝江縣入江此水在郢都之西楚王辟吳而

西走

睢水入江處在今湖廣荊州府枝江縣當郢都之西楚王

避吳西走處也睢一作沮

大事表八下

王使執燧象以奔吳師解燒火燧繫象尾使赴吳師驚卻之

公子偃竊出蒙臯比胥臣蒙馬以虎皮此馬燧爲戰車冒

以狻猊象之祖也楚子使火燧繫象尾卻吳師此田單繫火牛尾以破燕江迺繫火雞足以破羌之祖也故兵法之奇莫備於左氏讀左目鈔十一

庚辰吳入郢

庚辰二十九日昭三十一年傳曰六年十二月庚辰吳入

郢今十一月者并數閏詳經注正義杜氏經傳長歷楊昌霖曰據長

歷此年為乙未閏十月趙氏屬辭引云定四年閏七月當

是傳寫之譌

楚子涉睢

此復云涉睢遙接上事非再涉也周氏附論案傳氏遜云復還入睢亦非

入于雲中解入雲夢澤中

今雲夢有楚王城案雲夢縣屬湖北德安府縣志云吳兵入郢楚王奔

鄖時所築卽傳所謂入于雲中者程大中甲乙存彙餘詳駁證

鍾建解楚大夫

鍾儀本治人見成鍾建爲樂尹皆與鍾呂有合疑以事爲

氏者也萬氏氏族略案呂氏春秋精通篇鍾子期注云楚人鍾儀之族蓋世擅知音者也

伍員與申包胥友解包胥楚大夫

服虔曰楚大夫王孫包胥案吳語韋注同史記楚世家集解案秦本紀

正義包胥姓公孫封于申故號申包胥萬氏氏族略云申

氏楚大夫以邑爲氏申舟宣十申犀同上申驪成申包胥

申固楚縣何以伍員亦稱申胥吳語韋注云員奔吳吳與

之申地故曰申胥豈入郢之後申屬於吳遂以與子胥耶

後其子亦改為王孫氏蓋有感於包胥之言爾

吳為封豕長蛇解言吳貪害如蛇豕

吳為封豕脩蛇

淮南脩務訓

封修皆大也豕蛇喻貪也

又淮南

本經訓云堯之時封豕脩蛇為民害乃使羿斷脩蛇於洞

庭擒封豕於桑林

案文選劉孝標辨命論注引此文作封豕修蛇長作脩者淮南避其父諱也釋

道宣廣弘明集十一云斬脩蛇於洞庭戮封豕於大澤

高氏注云封豕大豕楚人謂

豕為豨也脩蛇大蛇吞象三年而出其骨之類故取以喻

吳之貪暴

尚靜齋經說

虐始於楚

虐害始先言將以次至秦也

淮南脩務訓注

越在草莽

越遠在於隨矣

淮南脩務訓注

九頓首而坐解無衣三章章三頓首

坐卽跪也據每章闕祇宜一頓首今遂三頓首蓋申包胥故重其禮以謝秦君若禮之正如襄四年歌鹿鳴之三三拜乃三揖耳豈得至頓首而又凡九頓首乎故曰此禮之至變也

潛上制記五

餘詳僖十五年

定五

春王三月辛亥朔日有食之

丙申歲

今歷推之三月辛亥朔加時在晝交分十四日三百三十

四分入食限

元史歷志二

案穀梁同公羊作正月蓋周三月

當夏之正月公羊偶誤書夏正耳

季平子行東野解東野季氏邑

莊子有東野稷案達生篇釋文司馬云孫卿作東野畢見荀子哀公篇又見韓詩外傳二新序雜事

五家語今闕里志周公後有東野氏蓋以邑為氏東野及

房皆近費之邑春秋地名攷略二

卒于房

僖十四年季姬及鄆子遇于防即此周氏附論房疑即防字古

卜字作自脫其下而為防字漢仙人唐公防碑可證也見隸

釋漢書汝南郡吳房孟康曰本房子國而史記項羽紀封

楊武為吳防侯字亦作防漢書武帝紀濟川王明廢遷防

陵常山王敦廢徙房陵一卷之中字體不同又防房相通

之一證顧氏補正下案後漢書光武紀上防子注房子屬常山郡防與房同古字通用文選月賦徘徊房

露李善注文賦曰寤防露於桑間房與防古字通

陽虎將以璵璠斂解璵璠美玉君所佩正義案說文云璵璠魯之寶玉璵璠是一玉名

孔子曰美哉璵璠遠而望之奘若也近而視之瑟若也一

則理勝二則孚勝

說文一上案初學記寶器部引逸論語曰璠璵魯之寶玉也孔子曰美哉璠

璵云云奘若作煥若二則作一則

案璵璠自是一玉故亦稱璠璵惠氏

補注以一則二則明是兩玉不知理勝孚勝由遠望近視

而得也穀梁僖八年傳文疊用一則亦是一事兩義

仲梁懷弗與解懷亦季氏家臣

複姓仲梁氏魯大夫仲梁懷見左傳又春秋後語仲梁閔

通志氏族略五

改步改玉解昭公之出季孫行君事佩璵璠祭宗廟今定公

立復臣位改君步則亦當去與璠

周語襄王謂晉文公曰先民有言曰改玉改行韋昭注玉

佩玉所以節行步也君臣尊卑遲速有節案荀子玉霸篇

云國者世所以新者也是憚憚非變也改王改行也與周

語同是玉從古文作王成三年齊侯朝于晉將授玉玉本

作王故張平子誤以為尊晉侯為王見齊系家索隱乃知古文春

秋玉字皆作王也惠氏補注六

告公山不狃季氏臣費宰子洩也

魯之公族有公山氏姬姓也潛夫論志氏姓通志略云公山氏以

字為氏氏族疑即公孫有山氏省言為公山也公孫有山氏見哀十

二年十月七年

尚靜齋經說

吾未知吳道解道猶法術

臣浩案杜以吳時已據楚不得爲吳之道路也法術謂吳

人攻戰之術

左傳考證

而自稷會之大敗夫槩王于沂解稷沂皆楚地

沂見宣十一年

稷當在今河南南陽府桐柏縣境

大事表六下

敗吳師於軍祥解楚地

案水經注楊水東北與祥谿水合水出江陵縣北

管城碩記十一

奔楚爲堂谿氏

濯水出汝南吳房縣西北奧山東過其縣北入於汝縣西

北有堂谿城故房子國春秋定公五年吳王闔閭弟夫槩

奔楚封之於堂谿故曰吳房也

水經濯水注

今河南汝寧府遂

平縣西吳房故城北有堂谿城與西平縣及許州鄆城縣

相接

大事表
七之四

吳師居麇解地名

案麇本小國其地爲今湖廣鄖陽府治鄖縣文十一年楚子伐麇後尋爲楚滅高氏謂吳師敗楚師于雍澨吳師居麇雍澨在安陸府京山縣境麇地不能至此當是麇滅之後楚人遷之以來如羅都類耳竊謂麇之爲麇國不可知而謂在岳州府治巴陵縣東者此斷非也覆案前後傳文定四年戰于柏舉是黃州府麻城縣吳從楚師及清發是德安府安陸縣繼敗諸雍澨五戰及郢楚子遂奔其國都奔隨隨爲德安府之隨州地近河南蓋吳師從淮右陸路

來與楚夾漢在漢水之北交戰祇在楚之北境楚亦倉皇
北走未嘗一涉洞庭之南也且傳云敗諸雍澨五戰及郢
是年左司馬戍及息而還敗吳師于雍澨三戰皆傷五年
吳師又敗楚師于雍澨則雍澨爲苦戰之地所謂父兄親
暴骨焉者也子期欲焚麋而子西不可則麋卽爲雍澨無
疑案宋白續通典曰麋當陽也

詳文十一年攷異

今安陸府當陽

縣與京山接壤此爲較近若巴陵遠在湖南吳楚未嘗一

戰其地何暴骨之有且郢爲今荊州府江陵縣在湖之北

王已出奔隨州何用更涉楚之南入楚之內地乎必不然

矣

大事表
七之四

又戰于公堵之谿解楚地名

淮南脩務訓擊吳濁水之上果大破之注云濁水蓋江水
傳曰敗吳于公圻之谿據此則近江之地名周氏附論

葉公諸梁解司馬沈尹戊之子葉公子高也

風俗通楚沈尹戊生諸梁食采於葉葉見宣三志氏族略三通沈諸

梁字子高廣韻楚文王庶子有食邑諸梁者諸都古字通

夏書禹貢孟豬周禮職方氏作望諸史記夏本紀作明都

諸梁蓋卽都梁也史記建元以來王子侯者年表都梁侯

長沙定王子漢書地理志零陵郡都梁侯國水經資注云

都梁縣西有小山山上有亭水其中悉生蘭草俗謂蘭爲

都梁山因以號縣受名焉案梁者高大之意故山多以梁

爲名若書治梁及岐詩奕奕梁山爾雅梁山晉望梁山之

犀象孟子去邠踰梁山齊策畢黍梁父山海經嬰梁山高

梁山水經注嵩梁山之類都梁山亦是也周秦名字案

哀十六年稱沈諸梁蓋仍兼食沈邑沈見宣諸梁其名而

氏族略又云諸梁氏楚莊王之後食邑諸梁因氏焉此蓋

以地命名如鄭游楚字子南衛公子郢字子南之類其子

孫遂以名為氏耳

及公父文伯解文伯季桓子從父昆弟也

文伯魯大夫季悼子之孫公父穆伯之子公父猷也國語魯語

注公父氏公父靖穆伯季孫紇子案禮記檀弓下注作公

公父文伯桓子從父昆弟公父猷杜氏世族譜

殺公何藐解藐季氏族

複姓左傳魯有公何狼

廣韻公字注

將涉於成白解江夏竟陵縣有白水出聊屈山西南入漢

今湖廣漢陽府漢川縣有白水亦名白子河西南與漢水

合

大事表八下

藍尹輿涉其帑解輿楚大夫

藍尹藍地之縣尹也如灑藍

襄十

藍臺

晉語九

之類非以草

名官也

見昭七正義周氏附論

廣韻引世本云楚大夫涉其帑

見其字下

則輿帑為二人然外傳云載其帑

見楚語下注云妻子曰帑

則帑非人

名未知世本何據

惠氏補注六

案世本久佚或廣韻誤引之

通志氏族略有藍尹氏無涉其氏可證

王孫賈

孔廣杖曰衛亦有王孫賈見定八年

國于脾洩解楚邑也

脾洩當在今湖廣荊州府境

日講春秋
解義五十八

王使由于城麋解於麋築城

梁英書曰上云吳師居麋因敗而始歸蓋爲屯兵之要地
故今城之以扼吳而讀左日鈔謂麋卽是脾洩因子西曾
立國于彼故築城以旌之愚以時初返國不應遽興土功
是必扞敵之策不得已而舉此役也朱氏之說未確

城不知高厚小大何知正義張奐古今人論云子西問城之
高厚小大而弗知也子西怒曰不能則如辭城之而不知又
何知乎

後漢書列傳張奐字然明通歐陽尚書多所著述想唐時

尚有存者故孔氏引之

案奐子芝字伯英即善草書者周氏附論

定鄭滅許因楚敗也

定四年許遷于容城六年鄭滅許此當爲葉縣之許昭九

年傳遷方城外入於許杜云許遷于葉

成十五

因謂之許是

也鄭至是凡再滅許矣其舊許之地在許州

河南

已爲鄭所

奪容城當卽在葉縣西

案縣屬河南南陽府

蓋葉在楚方城之外故

鄭得因楚之敗乘機取之應劭以爲卽漢之華容案華容

城在今荊州府之監利縣逼近郢都此時昭王新復國鄭

師豈能至此

大事表九

公侵鄭取匡解匡鄭地

文元年衛孔達侵鄭伐縣訾及匡卽此春秋地名 詳具

文八年駁證

舍於豚澤

豚澤蓋東門外近城之地大事表

使彌子瑕追之解彌子瑕衛嬖大夫

彌子瑕亦曰彭封彌子哀廿五 高氏左案通志氏族

略三云彌氏姬姓史記衛公孫彌牟彌牟孫子瑕以王父

字爲氏愚考公孫彌牟見哀廿五年亦稱文子卽檀弓所

云衛將軍文子彌牟也彼疏引世本靈公生昭子郢郢生

文子木文子生簡子瑕然則彌牟是木之字乃鄭氏略妄

爲傳會以彌牟爲子瑕之祖父謬已且檀弓稱簡子瑕除

喪受弔子游善其中禮之變必非嬖臣彌子瑕所能爲也
世族譜以公孫彌牟爲公族而以彌子瑕爲雜人可證

公叔文子老矣

解

文子公叔發

故謂夫子爲貞惠文子

禮記檀弓下

後不言貞惠者文足以兼

之

注又

君將以文之舒鼎成之昭兆定之鞶鑑

衛爲狄滅大路少帛埽地無遺故言宗器自文公始

義門讀書

記

陽虎若不能居魯而息肩於晉所不以爲中軍司馬者有如
先君解稱先君以徵其言若欲使晉必厚待之

孟孫何爲而遽誓哉見虎有不容之勢焉有不可言之惡

焉而已有不得已之情焉欲晉君臣於言外得之而豫圖

所以待之也有如先君者若謂其神臨之必降之禍也本

十四年有如此所謂強爲之請以取入焉者也邵氏恐晉

陰厚之故爲此言顧氏補

吳太子終纍闔廬子夫差兄

闔閭三子長曰終纍陸廣微

於是乎遷郢於都

括地志云楚昭王故城在襄州樂鄉縣東北三十三里在

故都城東五里卽楚國故昭王徙都郢城也史記楚世家正義案

樂鄉廢縣在今襄陽府城南二百餘里傅遜曰郢本在江

陵吳以舟師泝江而上一水可達襄陽稍西北吳旣難犯

又居國上流其勢易以制吳今襄陽實控扼南北天下之

形勝稱焉子西謀之深矣讀左曰餘見僖廿五年都下

周僖解子朝餘黨

周簡王之後為僖氏王僖季簡王子靈王弟見襄卅僖括季子同僖

翽萬氏氏族略

鄭於是乎伐馮

案東觀漢記魏之別封曰華侯華侯孫長卿食采馮城見後

漢書馮鮒傳注即此春秋地名攷略一餘見襄三十一年

負黍解陽城縣西南有負黍亭

世紀舜遷于負黍案少室一曰黍室負黍城在其南路史國名

四紀負黍亭在今河南府登封縣大事表七之一

狐人

續漢志潁陰縣有狐宗鄉古狐人亭也在今河南許州府

臨潁縣

案府今改州治縣仍屬之
大事表七之一

闕外

闕外卽伊闕之外也

讀史方輿紀要四十八

詳昭廿六年闕塞下

定

周儋翩入于儀栗以叛解儀栗周邑

開封東緒二十里有儀城

今開封府蘭陽縣
春秋地名攷略一

敗尹氏于窮谷

案新唐書開封軍府有通谷卽洛神賦所謂經通谷也昔

人嫌里名不美輒舉相反者以易之如楚窮水易豐水之

類是也

案窮水見昭廿七
春秋地名攷略

使北宮結如齊

喜子結喜見昭廿春秋分記世譜三案北宮括子遺襄廿六佗襄廿佗子

喜乃公羊成十七年襄十四年經括並作結誤

乃盟于瑣解陽平元城縣東南有沙亭瑣即沙也

衛地沙瑣二名杜氏土地名瑣在直隸大名府元城縣東春秋與圖

公斂處父解孟氏家臣成宰公斂陽

複姓左傳魯有公斂陽廣韻公字注蓋慕晉陽處父之為人故

名陽字處父為後世慕古人命名之祖嚴氏撰左隨筆

補釋三十

起定公八年
盡十五年

左通一

錢塘梁履繩學

定八顏高之弓六鈞解顏高魯人三十斤爲鈞六鈞百八十斤
古稱重故以爲異強正義漢書律歷志云量者龠合升斗斛
也云云

史記仲尼弟子顏高字子驕定八年傳顏高豈卽斯人與
家語作顏刻孔子世家云過匡顏刻爲僕

案論語子罕注
作顏剋釋文云

諸書或
作顏亥

古者文武同方冉有用矛樊遲爲右有若與微虎

之宵攻則顏高以挽彊名無足怪也

困學紀
聞六

顏氏家訓誠

兵云春秋之世顏高顏鳴顏息顏羽之徒皆一鬪夫耳顏
氏爲魯望族不應同族同名一時有二高自史誤以刻爲

高王厚齋遂謂陽州之顏高卽弟子子驕此說殊謬家語
謂少孔子五十歲是高生于定九年其非定八年斃陽州
之顏高明甚而全氏經史問荅六謂陽州是別一顏高亦
非也但其誤從張守節正義來正義云孔子在衛南子招
夫子爲次乘顏高爲御蓋本于家語而改刻爲高耳然家
語少五十歲之言亦不可信孔子過匡在定十四年倘少
五十歲其時才六七齡安能爲師御車乎又攷孔子世家
顏刻爲御在過匡時若爲南子次乘則未嘗及刻王肅妄
以刻之爲御過匡撮合于在衛爲次乘之僕張守節誤據
之史記志疑三代以來權量之制自隋文帝一變杜氏通
典言六朝量三升當今一升秤三兩當今一兩尺一尺二

寸當今一尺

今謂
卽時

左傳定八年正義曰魏齊斗稱於古二

而爲一周隋斗稱於古三而爲一隋書律歷志言梁陳依古斗齊以古升五升爲一斗周以玉升一升當官斗一升三合四勺開皇以古斗三升爲一升大業初依復古斗梁陳依古稱齊以古稱一斤八兩爲一斤周玉稱四兩當古稱四兩半開皇以古稱三斤爲一斤大業初依復古稱今攷之傳記如孟子以舉百鈞爲有力人三十斤爲鈞百鈞則三千斤晉書成帝紀令諸郡舉力人能舉千五百斤以上者史記秦始皇紀金人十二重各千石百二十斤爲石千石則十二萬斤漢舊儀祭天養牛五歲至三千斤晉書南陽王保傳自稱重八百斤不應若此之重考工記齋一

升觚三升

儀禮特牲饋食禮注觚三升

獻以爵而酬以觚一獻而三酬

則一豆矣禮器注凡觴一升曰爵二升曰觚三升曰解四

升曰角五升曰散壺大一石瓦甗五斗詩曰我姑酌彼金

罍毛說大一碩每食四簋正義簋瓦器容斛二升不應若

此之巨周禮舍人喪紀共飯米注飯所以實口君用梁大

夫用稷士用稻皆四升管子凡食鹽之數一月丈夫五升

少半婦人三升少半嬰兒二升少半史記廉頗傳一飯斗

米漢書食貨志食人月一石半趙充國傳以一馬自佗負

三十日食爲米二斛四斗麥八斛匈奴傳計一人三百日

食用糲十八斛不應若此之多史記河渠書可令畝十石

嵇康養生論夫田種者一畝十斛謂之良田晉書傳玄傳

白田收至十餘斛水田收數十斛今之收穫最多亦不及此數靈樞經人食一日中五升既夕禮朝一溢米夕一溢米注二十兩曰溢爲米一升二十四分升之一晉書宣帝紀問諸葛公食可幾何對曰三四升會稽王道子傳國用虛竭自司徒以下日廩七升本皆言少而反得多是知古之權量比之於今大抵皆三而當一也史記孔子世家孔子居魯奉粟六萬索隱曰當是六萬斗正義曰六萬小斗當今二千石也此唐人所言三而當一之驗

日知錄十一

籍丘子鉏擊之解子鉏齊人

籍丘氏以邑爲氏齊大夫籍丘子鉏

通志氏族略三

吾志其目也解以自矜

志意所擬度也

儀禮大射儀注

服氏注云志中其目是非其誠詐

以自矜

又疏

單子伐穀城解在河南縣西

穀城在今河南府洛陽縣西北水經

穀水

注城西臨穀水故

名

大事表七之一

單子伐簡城劉子伐孟

周有簡師父

僖廿四

簡城當是其食邑或云孟卽邗也

春秋地名

一放略

主人焚衝或濡馬褐以救之解衝戰車馬褐馬衣

衝車大鐵著其轅端馬被甲車被兵所以衝於敵城也褐

毛布如今之馬衣也

淮南覽冥訓注

公會晉師于瓦解衛地東郡燕縣東北有瓦亭

今河南衛輝府滑縣東南瓦岡集古瓦亭也

大事表七之二

范獻子執羔趙簡子中行文子皆執鴈魯於是始尚羔解禮卿執羔大夫執鴈魯則同之今始知執羔之尊也正義賈逵云周禮公之孤四命執皮帛卿三命執羔大夫再命執鴈云

云

案尚書有三帛二生二生卿執羔大夫執鴈彼見天子法從朝君而見得有羔若諸侯相朝其臣從君亦得執羔見主君可知其爲君聘則不得執羔見主君也案定公八年經書公會晉師于瓦左傳云范獻子執羔趙簡子中行文子皆執鴈亦是從君見主君法也

儀禮聘禮疏

衛人請執牛耳解盟禮尊者涖牛耳主次盟者衛侯與晉大夫盟自以當涖牛耳故請正義盟用牛耳卑者執之尊者涖之請執牛耳請使晉大夫執牛耳周禮戎右云盟則贊牛耳鄭玄云謂尸盟者云云

盟之爲法先鑿地爲方坎殺牲於坎上割牲左耳盛以珠槃又取血盛以玉敦用血爲盟書成乃歃血而讀書知用耳者戎右職云贊牛耳知用左者以馘者用左耳故也禮記

曲禮下正義鄭鍔曰盟雖歃血必有尸盟者執牛耳本義牛牲

至順用牛耳者取其順從以聽命也王氏周禮訂義五十三

王孫賈解衛大夫

王孫氏牟之後

王孫牟見昭十二

曰賈賈子齊

見哀廿六年春秋分記世譜七

然則如叛之

如叛之不如叛之也古語多如此邵氏左傳

季寤解季桓子之弟

季寤子言意如子杜氏世族譜魯季平子生昭伯字子言通志氏族

略

公鉏極解公彌曾孫桓子族子

公彌生頃伯案襄廿三年注公彌公鉏頃伯生隱侯伯隱侯伯生公鉏

極春秋分記世譜六

叔孫輒解輒叔孫氏之庶子

州仇生二子曰舒哀廿六曰輒輒字子張哀州仇庶子也春秋

分記世譜六

叔仲志解志叔仲帶之孫

叔仲志定伯帶之孫也

杜氏世族譜案帶叔仲昭伯名見襄七

林楚御桓子

公羊傳曰臨南者陽虎之出也御之案臨卽林南蓋楚之

字萬氏氏族略

陽越殿解陽虎從弟

公羊傳曰陽越者陽虎之從弟也杜氏本之

周氏附論

自上東門入解魯東城之北門

師古曰東門最北出門曰上東門

漢書賈誼傳注

東之左曰始明

焉亦曰上東門國語臧文仲祭爰居於魯東門之外卽此

大事表七之一

又戰于棘下解城內地名

魯南門曰稷門

見莊卅二

案齊稷門之下曰稷下亦曰棘下

本水

經注

此定五年傳陽虎盟季桓子于稷門之內是年傳與

陽氏戰于南門之內弗勝又戰于棘下稷棘聲相近則棘下亦爲稷門之下無疑而水經注以魯棘下如齊之棘下

亦儒者之所萃誤已

周氏附論

陽虎入于謹桓三年解謹魯地濟北蛇丘縣西有下謹亭

謹在山東泰安府肥城縣西南

春秋輿圖

鄭駟歆解駟乞子子然也

駟歆子然莊子

杜氏世族譜

定九乃使向巢如晉盟解巢向戌曾孫

羅生五子曰巢

案昭廿年傳向寧之子羅

曰魑

定

曰頤曰子車曰牛

並哀

十四春秋分記世譜七

哀十四年注向魑兄向巢案檀弓桓司馬鄭

注宋向戌之孫名魑正義曰世本向戌生東鄰叔子超超

生左師眇眇即向巢也魑是巢之弟故云向戌孫此云曾

孫未知孰是

大事表十二下

己衰經而生子余何故舍鐘解己子明也

唐律在父母喪生子疏議在父母喪生子者皆謂二十七

月內懷胎者若父母未亡以前懷胎雖於服後生子者不

坐縱除服以後始生但計胎月是服內懷者依律得罪並

合免所居之一官又律居父母喪生子者徒一年疏議皆

謂在二十七月內而妊娠生子者其服內生子事若未發

自首亦原

萬斯同曰上一條言免所居官當是有官之人下一條言徒一年當是無官之人古人定律其

嚴於居喪如此

案禮經言喪制詳矣初不及服內生子之禁者蓋

孝子三載之中寢處於外原無入室之禮則自不必有此
禁子明衰經生子卽見貶於右師則知禮文所不載非寬
以待人子正以天下絕無此事也不然豈有居喪之制纖
悉具備反於此等節目而置之不道哉後漢書陳蕃傳蕃
爲樂安太守民有趙宜葬親不閉塋隧居其中行服二十
年蕃與相見問及妻子而宜五子皆服中所生蕃大怒曰
寢宿冢藏而孕育其中誑時惑衆誣汗鬼神遂致其罪觀
此舉可見東漢之世原以服內生子爲非禮矣服內生子
不孝之大世之稍有人心者莫不以爲不可也論者謂商

之帝辛宋之元凶劬明之武宗皆服內所生故終至悖戾而傾覆是則縱情背理之事古固有之要所生必不肖之子非但得罪於名教并且貽禍於邦家亦可爲世之殷鑒矣公羊子論喪娶以爲有人心者宜於此焉變矣文愚於

服內生子亦云

讀禮通考一百十五

鄧駟獻殺鄧析而用其竹刑解鄧析鄭大夫欲改鄧所鑄舊制不受君命而私造刑法書之於竹簡故云竹刑

鄧析操兩可之說設無窮之辭

本列子力命篇

觀其致縣書學訟

獄

見呂氏春秋離謂篇

析固深文巧辯者故漢書藝文志列鄧析子

在名家馬氏意林采之

周氏附論

子產鑄刑書趙鞅荀寅鑄刑

鼎至鄧析竹刑則書於竹簡矣然甫刑云明啟刑書其來

已久漢杜周傳不循三尺法注謂以三尺竹簡書法律也

朱博亦云奉三尺律令以從事鹽鐵論詔聖篇乃云二尺四

寸之律古今一也蓋律書以二尺四寸簡舉其大數謂之

三尺曹褒新禮寫以二尺四寸簡漢禮與律令同錄其制

一也

困學紀聞六

陽虎歸寶玉大弓解無益近用而祇爲名故歸之

陽虎取本國之重寶將以賂外國以求容徐思知其不義

之甚故歸之

陸淳春秋集傳微旨下

陽虎使焚萊門解陽關邑門

陽關爲近魯之邑

詳襄十七

故陽虎據之以叛萊門其邑門卽

魯郭門

哀傳注

地名攷略云東北郭門是也陽虎犯萊門而

奔齊陽生出萊門而至齊

哀

蓋自魯之齊之道

周氏附論

親富不親仁

孟子引陽虎曰爲富不仁矣爲仁不富矣蓋虎亦自知其

不仁而爲之故鮑文子詆其親富不親仁

尚靜齋經說

君富於季氏而大於魯國茲陽虎所欲傾覆也

韓非子

四難

載其語曰陽虎有寵於季氏而欲伐於季孫貪

其富也今君富於季孫而齊大於魯陽虎所以盡詐也

惠氏

補注

六

吾從子如驂之靳解靳車中馬也猛不敢與書爭言己從書

如驂馬之隨靳也

正義

說文云靳當膺也云云言靳是中馬

之駕具故以靳表中馬

小戎傳游環鞮環也案釋文作靳環引沈重云舊本皆作靳今考陰鞮蓋續傳曰續續鞮也箋曰蓋續白金飾續鞮之環然則靳環與鞮環乃二物詩並言之轉寫譌溷後人遂莫之辨春秋傳言如騂之靳說文靳當膺也蓋詩謂之游環春秋傳謂之靳漢時謂之當膺騂從靳而後於兩服其首正當兩服之胷於此有環以貫其外轡箋曰游環在背上無常處貫騂之外轡以禁其出釋名曰游環在服馬背上騂馬之外轡貫之可與箋相足下陰鞮傳箋不詳其所在孔沖遠云以皮爲之繫於陰板之上騂馬頸不當衡別爲二鞮以引車今考車前揜板其上的不堪任今時車騂馬之鞮繫於軸古亦宜然以其自下而出於揜軌之前故

稱陰鞞耳

戴氏毛鄭詩考正

晉車千乘在中牟解今滎陽有中牟縣迥遠疑非也正義此
中牟在晉竟內也趙世家云獻侯卽位治中牟漢書地理志
云河南郡有中牟縣趙獻侯自耿徙此云云論語佛肸爲中
牟宰與趙獻侯所都中牟或當是一必非河南中牟當於河
北別有中牟但不復知其處耳有臣瓚者不知其姓或云姓
傅案史記集解序索隱云案卽傳瓚而劉孝標以爲于瓚非也水經渠水注引音義又爲薛瓚作漢書音
義云臣瓚案河南中牟春秋之時在鄭之疆內及三卿分晉
則爲魏之邦土趙界自漳水以北不及此也春秋衛侯如晉
過中牟案此之中牟非衛適晉之次也汲郡古文曰齊師伐
趙東鄙圍中牟此中牟不在趙之東也案中牟當在溫水之

上案水經渠水注引作濕水之北史記趙世家集解作潔水
之北春秋分記疆理書十一引作潔水之上趙氏一清曰

牟當在溫水之上

案水經溫水在牂柯此誤

不知其所案據也

服虔不列中牟所在杜預曰今滎陽有中牟迴遠疑爲非

也然地理參差土無常域隨其疆弱自相吞并疆理流移

寧可一也兵車所指逕紆難知自魏徙大梁趙以中牟易

魏故趙之南界極於浮水匪直專漳也趙自西取後止中

牟齊師伐其東鄙於宜無嫌而瓚徑指濕水空言中牟所

在非論證也

水經渠水注

今河南開封府之中牟縣在大河之

南係鄭地至漢初始置中牟縣春秋時未有中牟之名也

春秋晉之中牟第云當在河北

案土地名盟會圖疏附云中牟在河北又鄭有中牟

史記趙世家索隱云此趙中牟在河北非鄭之中牟不詳何地案孔子世家索隱云此河北之中牟蓋在

漢陽西據各處傳文及國語齊語約當在今直隸順德府邢亦未確

臺邯鄲之間今日第當傳疑雖以閻百詩之精於地理亦

云無可攷而史記正義以湯陰縣有牟山謂中牟當在其

側趙世家今方輿紀要與高氏地名攷略俱從之全氏經史問答六同

亦未必然也大事表九

衛侯將如五氏解晉地

五氏寒氏二名闕寒氏見下年杜氏土地名五氏城在直隸廣平府

邯鄲縣西亦曰寒氏春秋時晉邯鄲大夫趙午之私邑讀史

方輿紀要十五

齊侯致禚媚杏於衛解三邑皆齊西界

禚近魯見莊二年媚當在今山東濟南府禹城縣杏當在

今東昌府博平縣

大事表七之一

杏有二昭二十四年攻瑕及杏

是敬王邑周地也定九年致禚媚杏於衛又有北杏見莊

十三年並齊地

春秋分記疆理書十一

案土地名以杏北杏爲二

名闕不知其處杜氏特以並屬齊邑遂并爲一地耳然如
鄭制有二則稱北制以別之此杏與北杏當從程氏分記
列爲兩地

韃幘而衣狸製解製裘也正義說文云製裁也衣狸製謂著

狸皮也裁皮著之明是裘矣故以製爲裘也云云

哀二十七年成子衣製杜氏以爲雨衣此以爲裘特隨文
解之說苑復恩篇云衛甯文子具紵絺三百製是又衣之

通稱已詩幽風七月正義引服虔云狸製狸裘也此杜氏

所本

尚靜齋經說

與之犀軒與直蓋解直蓋高蓋

昔齊侯賜敝無存犀軒直蓋宣帝賜黃霸車蓋特高二尺

後漢列侯伏熊軾阜蓋則春秋之時固有曲蓋

案正義曰此云直蓋

或時有曲直

漢之時不特阜蓋而已

禮書百四十一

坐引者以師哭之親推之三解停喪車以盡哀也君方爲位而哭故挽喪者不敢立齊侯自推喪車輪三轉

引所以引柩車在軸輻曰紼古者人引柩春秋傳曰坐引

而哭之三

儀禮既夕禮注

鄭注周禮亦云在車曰紼行道曰引云

古者人引柩者雜記乘人專道而行又云諸侯五百大夫

三百皆是引人也案左氏傳云齊侯伐晉夷儀敝無存死之齊侯與之犀軒而先歸之坐引者以師哭之親推之三注云坐而飲食之此鄭略引之云坐引者亦謂飲食之而哭之三者亦謂公親推之三也又疏檀弓云君於大夫將葬弔於宮及出命引之三步則止如是者三君退注云三命引之凡移九步此齊侯於敝無存有加禮者坐引也以師哭之也親推之三也尚靜齋經說

十定公會齊侯于祝其實夾谷解夾谷卽祝其也

齊地夾谷祝其二名闕

杜氏士地名

司馬彪服虔注史記皆云

在東海祝其縣

案見周本紀正義齊世家孔子世家集解

劉昭志杜佑通典因

之遂謂夾谷山在今贛榆縣西五十里案贛榆在春秋爲

莒地與齊魯之都相去各五六百里何至若此之遠當時景公之觀不過曰邈海而南放於琅邪而已未聞越他國

之境金史云淄川有夾谷山一統志云夾谷山在淄川縣

西南三十里舊名祝其山其陽卽齊魯會盟之處萌水發

源於此水經濟水注萌水出般陽縣西南甲山是以甲山

爲夾谷也案讀史方輿紀要三十一同而萊蕪縣志則又云夾谷在縣

南三十里接新泰界未知其何所據然齊魯之境正在萊

蕪東至淄川則已入齊地百餘里二說俱通案大事表四十八云案南

畿志祝其故城在今江南海州贛榆縣西五十里卽春秋

時夾谷漢爲縣宋省攷兩漢書及晉書志俱有祝其縣宋

南齊志則云祝其利城二縣寄治於京非本縣矣贛榆北

至曲阜魯都三百餘里而齊更在魯北齊疆魯弱豈能屈

駕至魯之南境而與會魯又何苦越其國都而會齊於國

之南鄙耶舊說以濟南府淄川縣西南三十里有夾山上

有夾谷臺爲齊魯會盟處猶以兩君相會不應去齊若此
之近去魯若此之遠而以秦安府萊蕪縣有夾谷嶺名勝
志以爲萊兵劫魯又案水經淄水注萊蕪縣故城在來蕪谷
侯處庶幾近之

當路岨絕兩山間道由南北門舊說云齊靈公滅萊萊民

播流此谷邑落荒蕪故曰萊蕪禹貢所謂萊夷也夾谷之

會齊侯使萊人以兵劫魯侯宣尼稱夷不亂華是也是則

會於此地故得有萊人非召之東萊千里之外也萊人遷此已久

號其故國不可泥祝其之名而遠求之海上矣案春秋地名攷略傳

爲東萊所云祝其自是古地祝其縣非
襲古名也日知錄三十一

孔丘相解相會儀也

送賓是上擯則卿爲上擯孔子爲下大夫得爲上擯者以

孔子有德君命使攝上擯若定十年夾谷之會令孔子爲

相同也儀禮聘禮疏此篇敘事於孔子皆稱名君在會故也義門

記讀書

孔丘使茲無還揖對曰解無還魯大夫

姓左傳魯大夫茲母還廣韻茲字注案廣韻以茲為氏與杜

合而母字下又云複姓自為異同通志氏族略五云茲母

氏左傳魯大夫茲母還漢有侍御史茲母常則複姓為是

其亦稱無還者豈翦截名字耶日知錄二十三以淮南修務訓稱段干木為干木乃

翦截名字之祖

且犧象不出門解犧象酒器犧尊象尊也釋文犧許宜反又

息河反注同正義周禮司尊彝云春祠夏禴裸用雞彝鳥彝

其朝踐用兩獻尊其再獻用兩象尊鄭眾云獻讀為犧犧尊

飾以翡翠象尊以象鳳凰阮誾三禮圖犧尊畫牛以飾象尊
畫象以飾當尊腹上畫牛象之形王肅以爲犧尊象尊爲牛
象之形背上負尊魏大和中青州掘得齊大夫子尾送女器
爲牛形而背上負尊古器或當然也

服虔云犧象饗禮犧尊象尊也

詩鼓鍾正義

周禮司尊彝曰其

朝踐用兩獻尊其再獻用兩象尊先鄭注曰獻讀爲犧犧

尊飾以翡翠象尊以象鳳皇或曰以象骨飾尊

案周語韋注象尊以

象骨爲飾也

陸氏音義曰獻犧同素何反司尊彝曰凡六彝六

尊之酌鬱齊獻酌後鄭注曰獻讀爲摩莎之莎摩莎沛之

出其香汁也音義曰獻素何反案獻尊卽犧尊是也舉其

事則謂之獻尊舉其名則謂之犧尊一物而兩名耳左氏

傳曰犧象不出門禮記曰君西酌犧象見禮器又曰尊用犧

象又曰犧象周尊也

並見明堂位

然則犧象二尊相須可知矣

蓋犧尊爲牛形象尊爲象形犧獻二字各讀如本字其義

灼然無可疑者毛詩

閼宮

疏引王肅注禮曰犧象二尊全刻

牛象之形鑿背爲尊其說是已司尊彝變犧爲獻者蓋朝

踐乃始獻之禮舉祀事言之故謂之獻尊若舉其名則謂

之犧尊也鄭氏旣破獻爲犧又以獻犧二字皆音莎旣謂

犧尊飾以翡翠又謂象尊以象鳳皇皆誤矣陸德明循鄭

氏之說以犧獻二字並音莎而於他經凡言獻言犧處悉

音爲莎不能訂正其義而反播其疑於後世良可怪也南

史劉沓傳曰沓嘗於沈約坐語及宗廟犧尊約云鄭立荅

張逸謂畫鳳皇尾婆娑然

案梁書作娑娑然鄭志見明堂位正義

杳曰此言

未必可安古者尊彝皆刻木爲鳥獸鑿頂及背以出內酒

魏時魯郡地中得齊大夫子尾送女器犧尊作犧牛形晉

永嘉中賊曹嶷於青州發齊景公冢得二尊形亦爲牛象

二處皆古之遺器也約以爲然

案通志總序云祭器尚象

如鑿故取諸雲山其次莫如尊故取諸牛象其次莫如彝故取諸雞鳳最小者莫如爵故取諸雀其制皆象其形鑿頂及背以出內酒惟對杳能知此義

一學林案今世所存古物宣和博古圖所寫犧尊純爲牛形

象尊純爲象形而尊在背正合王肅之說然則犧字祇當

讀如本音鄭司農諸人所云殊與古製不類則知目所未

覩而臆爲之說者何止此哉

容齋筆十三

犧尊取犧牲食享之

義又以示其性順而任重興稼穡而致民功象牙感雷而
文生方時天氣下降地氣上騰文明盛大又爲南越之獸
於以見昭德柔遠之意王肅之說於古人制器尚象之意
或者其有合焉今所存漢器犧尊制爲犧形穴背受酒通
蓋高一尺四寸八分蓋連頂高三寸三分圓徑五寸二分
內深二寸二分尊身高一尺一寸五分犧身長二尺三分
廣七寸口圓徑四寸深六寸九分重五十斤象尊制爲象
形穴背受酒通蓋高一尺四寸五分蓋連頂高三寸三分
圓徑五寸二分內深二寸四分尊身高一尺一寸二分象
身長二尺廣七寸口圓徑三寸九分深六寸六分重五十
斤皆銅質有篆文識漢元和二年鑄

閔里文獻
考二十二

案聶氏

三禮圖云今見祭器內有作牛象之形背上各刻蓮華座又與尊不相連比與王義大同而小異愚謂後世所見古器皆秦漢規三代遺制所鑄得其彷彿而已故多有異同余頃年過曲阜敬謁廟庭觀所陳犧象二尊與容齋所說相合更信而有徵已

齊人來歸鄆謹龜陰之田解三邑皆汶陽田也泰山博縣北有龜山陰田在其北也會夾谷孔子相齊人服義而歸魯田彭士望曰梁丘據得聖人一交語多少光榮已傾身爲之周旋安知歸田不藉其力案夾谷既會齊侯謂其臣曰夫人率其君行古人之道二三子獨率我入夷狄之俗使寡人得罪於魯侯如之何晏子曰小人之謝過也以文君子

之謝過也以質君已知過則謝之以質景公於是歸魯田

本穀梁傳公羊傳何休注史記孔子世家文可知此會孔子有平仲爲內主卽

用梁丘據亦當由平仲得力左傳經世鈔二十一服虔曰三田汶陽

田也龜山名陰之田得其田不得其山也史記孔子世家集解龜山

山東泰安州今升府新泰縣西南四十里山之南卽泗水縣

界詩奄有龜蒙謂此龜山也春秋齊人來歸鄆謹龜陰之

田山之北卽龜陰田矣又夫子去魯作龜山之操讀史方輿紀要

三十 張雲璈曰史記孔子世家正義云故謝城在龔丘

縣東七十里齊歸侵魯龜陰之田以謝魯魯築城於此以

旌孔子之功因名謝城今山東泰安府泰安縣東北十五

里有謝過城

衛侯伐邯鄲午於寒氏解邯鄲廣平縣也

邯鄲故衛邑後屬晉戰國時趙肅侯都此今直隸廣平府

邯鄲縣西南三十里有邯鄲故城

大事表七之三

侯犯奔齊齊人乃致邠解致其名簿也

上云侯犯從之其時必以邠之名籍歸齊齊至是來致之

邵氏左鱗

公取而朱其尾鬣以與之

朱非馬色左傳云宋公子地有白馬四公嬖向魋取而朱

其尾鬣以與之是古人貴朱鬣知朱者朱其尾鬣也

書康王之

誥正義

是我廷吾兄也解廷欺也

注繩祖曰廷字傳凡三見襄二十八年伯有廷勞於黃崖說文往也昭二十一年子無我廷杜云恐也音義亦別此傳廷字與詩人實廷女之廷同見鄭風揚之水

暨仲佗解佗仲幾子

仲佗字子服

春秋分記世譜三

案魯仲孫它亦字子服

詳見襄廿三

夫不令之臣天下之所惡也

石祁子曰天下之惡一也語義正同

周氏附論

一定十及鄭平始叛晉也解魯自信公以來世服於晉至今而

叛故曰始

郝仲輿曰魯自僖公以來七世事晉晉黨季孫逐昭公識者知晉之將失魯矣及韓范內闔同盟解體齊張于東衛

鄭先往故魯有夾谷之會然猶未顯與晉絕也至是魯鄭
同盟四國之好成而晉遂失諸侯不復可收矣卓氏春秋
辯義二十

定十
二克郊解郊曹邑

郊在今山東曹州府荷澤縣界大事表
七之二

公與三子

服虔曰三子季孫孟孫叔孫也史記孔子
世家集解

八于季氏之宮登武子之臺

阜上有季氏宅宅有武子臺今雖崩夷猶高數丈水經泗
水注

季武子臺在曲阜縣城東北五里舊志云在魯東門內讀
史

方輿紀要
三十二

仲尼命申句須樂頌下伐之解二子魯大夫

樂歎家語作樂欣欣與頌偏旁相同疑頌卽是欣

案通典禮十三

云樂頌一作歎顏與頌亦相似

且文云孔子命之其爲弟子未可知也

朱

尊孔子弟子考

敗諸姑蔑

蔑姑蔑二名魯國卞縣南有姑蔑城

詳見隱元年蔑下杜氏土地名

十有一月丙寅朔日有食之

癸卯歲

在大衍爲十月朔其年當閏而春秋置在歲終故差一月

也日食黃道角六度太強

春秋分記歷書四

今歷推之是歲十月

丙寅朔加時在晝交分十四日二千六百二十二分入食

限蓋失一閏

元史歷志二

定十 齊侯衛侯次于垂葭實鄆氏解垂葭改名鄆氏高平鉅

野縣西南有鄆亭

衛垂葭在山東曹州府鉅野縣西南

春秋輿圖

銳師伐河內解今河內汲郡

汲郡故為衛之邶邑衛遷楚丘後河內殷虛更屬於晉今

為河南衛輝府治汲縣

大事表七之三

吾舍諸晉陽解趙鞅邑

晉陽即今山西太原府之太原縣唐叔始封時故都也

大事

表七之三 詳昭元年大原下

歸告其父兄

服虔曰午之諸父兄及邯鄲中長老

史記趙世家集解

衛是以爲邯鄲而寘諸晉陽絕衛之道也不如侵齊而謀之
解言衛以五百家在邯鄲常爲是故與邯鄲親侵齊則齊當
來報欲因懼齊而徙則衛與邯鄲好不絕

寘諸邯鄲衛之意也寘諸晉陽非衛之意也故曰絕衛之

道

邵氏左

涉賓不可解涉賓午家臣

涉氏晉有涉佗

昭廿二

涉賓案賓蓋佗之族路史云涉涉佗

邑漢之涉今隸潞

見國名紀五

以邑爲氏究屬傳會通志略以

涉氏爲不得所系是也

見氏族略五萬氏氏族略

董安于聞之解安于趙氏臣正義史記云安于性緩常佩弦

以自急者卽此是也

西門豹之性急故佩韋以緩己董安于之心緩故佩絃以
自急韓非子西門豹急佩韋以自緩董安于緩帶絃以自
促急之與緩俱失中和然而韋絃附身成爲完具之人能
納韋絃之教補接不足則豹安于之名可得參也論衡率性篇
范臯夷解范氏側室子

函與氏晉大夫范臯夷食采函與因氏焉通志氏族略三案國
語晉語九范中行有函冶之難韋昭注函冶范臯夷之邑

函與卽函冶聲轉而字變耳

梁嬰父

賈逵曰梁嬰父晉大夫也史記趙世家集解晉有解梁城高梁曲
梁之地此則以邑命氏者通志氏族略二餘詳文八年梁益耳

下

魏曼多上傳魏襄子解襄子魏舒孫曼多也

舒子侈簡子系本名取庶子戊侈子曼多春秋分記世譜二世族譜曼

多舒之孫而闕其禰今考系本謂舒生侈侈生曼多世系

以為戊生曼多也世譜六

齊高彊曰三折肱知為良醫

仁和項朝藁曰孔叢子嘉言篇夫子曰三折肱為良醫說

苑雜言篇孔子曰語不云乎三折肱而成良醫蓋皆引古

語也惟楚辭惜誦章曰九折臂而成醫兮義復不殊

荀寅士吉射奔朝歌

漢書地理志曰河內本殷舊都周既滅殷分其畿內為三

邴以封紂子武庚庸管叔尹之衛蔡叔尹之以監殷民謂之三監武王崩三監畔周公誅之盡以其地封康叔今河南衛輝府淇縣東北有朝歌城張洽集傳以為在淇縣北關西社是也自衛遷楚丘見閔河內殷虛更屬于晉大事表七

韓魏以趙氏為請

服虔曰以其罪輕於荀范也

史記趙世家集解

公叔戌上傳解戌文子之子

衛有公叔氏公叔發

襄廿九

公叔戌案通志略云公叔氏衛

獻公之公子當字公叔之後

氏族三

據世本獻公生成子當

當生文子拔拔即發以父字為氏而世本云拔生朱為公

叔氏朱即成以成始氏公叔非也萬氏氏族略詳見襄傳

定十 吳伐越解報五年越入吳

允常之時與吳王闔廬戰而相怨伐允常卒子句踐立是

為越王元年吳王闔廬聞允常死乃興師伐越史記越世家

越子句踐禦之解句踐越王允常子

於越子句踐卒是為莢執竹書紀年案路史後紀十四執莢滅吳而遂霸注云執莢句

踐也

陳子橋李解吳郡嘉興縣南醉李城

越地橋李杜氏土地名橋李城舊志云在浙江嘉興府西南四

十五里夾谷中讀史方輿紀要九十一國語越上句踐之地北至于御

兒吳越春秋五 吳王夫差增越封西至於橋李然則與闔

廬戰時越境猶未至橋李橋李當為吳地矣通典州郡吳

國南百四十里與越分境昔吳伐越越子禦之于橋李則

今嘉興縣之地也春秋地名
攻略十一

使死士再禽焉解使敢死之士往輒為吳所禽

戰國策一秦蘇秦曰厚養死士高誘曰死士勇戰之士也先

鄭司農曰死士欲以死報恩者見史記吳世家集解太公六韜曰有

貧窮忿怒欲快其志者聚為一卒名曰必死之士賈景伯

以死士為死罪人非也亦見吳世家集解
惠氏補注六

臣奸旗鼓解犯軍令

臣奸旗鼓不以道犯也說文奸
字繫傳

闔廬傷將指解其足大指見斬

闔閭傷將指而卒凡書傳謂成拇為將指頭指為鹽豉指

所謂將指者為諸指之率也說文拇字繁傳手指大曰拇二曰食

中曰將四五曰無名左傳宣四年注疏五指巨指案因學紀開二

十注巨指見儀禮食指將指案因學紀開注將指見儀禮

大射孟子云巨擘無名指小指困學紀聞注儀禮特牲饋食少牢饋食云季指又手足皆曰指定

十四年闔廬傷將指注足大指言其將領諸指足之用力

大指最多手之取物中指為長故足以大指為將手以中

指為將案本宣四年傳正義案繁傳所云頭指即手

之第二指服虔注所謂噍鹽指也儀禮鄉射記疏以手之

第三指為將指而引此傳為證誤已

卒於陘

汪瑜曰足大指爲厥陰脈故將指傷而致死也

公會齊侯衛侯于脾上梁之間解脾上梁間即牽魏郡黎陽

縣東北有牽城

路史

國名紀七

曰魏之內黃西南三十里有故牽城晉黎陽在

今濬縣地

案縣屬河南衛輝府

與內黃爲連壤也

案內黃縣屬彰德府春秋地名攷

略七

析成鮒小王桃甲解二子晉大夫范中行氏之黨

通志略

五

云複姓析成氏左傳晉有析成鮒案傳又稱士

鮒蓋即士吉射之族

萬氏氏族略

小王氏以族爲氏晉大夫小

王桃甲之後也

通志氏族略四又見廣韻王字注

案

衛侯爲夫人南子召宋朝解南子宋女也

莊子

則陽篇

云衛靈公有妻三人南子蓋其最寵者故立以

爲夫人如晉驪姬及少齊之類疑非蒯聵之親母也南子

者殆爲別號以寵異之如楚懷王后鄭襄之稱南后也

見戰

國楚策三

呂氏春秋貴因篇孔子道彌子瑕見釐夫人因也注

釐夫人未之聞或云爲諡諡法小心畏忌曰釐若南子淫

佚不得諡爲釐明矣

周氏附論

案魯成公之母弃位而姣諡爲穆姜而南子知敬禮孔子識

蓬伯玉爲君子其諡釐也亦宜

大子蒯聵獻孟子于齊解孟邑名也

孟疑卽斂孟也

見僖廿八春秋地名攷略七

謂戲陽速曰解速大子家臣

戲陽氏晉邑也舊屬衛今相州安陽縣永和鎮東二十五

里戲陽城

詳昭九

衛大夫戲陽速晉有戲陽扶爲卿

通志氏族略三

從我而朝少君

正義

少君猶小君也

汪繩祖曰如小卿爲少卿

昭

小寢爲少寢之類

哀

杜氏

世族譜云南子少君靈公夫人以少君爲南子號非也

諺曰民係於信

哀七年傳子服景伯曰小所以事大信也大所以保小仁

也民係於城城係於德失二德者危將焉係解云二德信

與仁也此引諺辭義正相合

尚靜齋經說

又敗鄭師及范氏之師于百泉

晉地百泉

杜氏土地名

百泉故屬衛衛風所謂泉源在左者也

魯定公時已屬晉衛水源于此

春秋地名攷略五

金史地理志衛

州蘇門有百門陂今河南衛輝府之輝縣也縣西北七里
有蘇門山亦曰百門山有百門泉左傳晉人敗鄭師及范

氏之師于百泉卽百門泉矣

趙一清水經注釋九

定五子貢觀焉哀十一年解賜子貢孔子弟子也

端木賜字子貢

說文贛字繫傳

子貢衛賜

見哀十一杜氏世族譜

嘉事不體解嘉事朝禮

師古曰嘉禮之事謂朝祀也不體不得身體之節

漢書五行志中

注之上

高仰驕也卑俯替也驕近亂替近疾君爲主其先亡乎

師古曰替廢惰也

漢書五行志中之上注

凡視上於面則敖者視人

過高則是敖慢定十五年邾子執玉高其容仰高仰驕也

下於帶則憂者若視過下則似有憂有憂頭低垂魯公受玉卑其容俯卑俯替也

禮記曲禮下正義

孫學翼讀執玉高卑其

容俯仰之類注疑何以古驗而今不驗余取游氏桂解曲禮鄭氏解禮運二條示之游氏曰古之觀人者於一指顧一瞻視一罄欬之間其人之賢不肖是非禍福皆可得而分蓋古人以禮爲常一失其節則爲改常則人之禍福宜可得而知也後世之禮不明舉無以爲之節舉無以爲節者後世之常也有一人焉而失其節亦是行乎其常而非禍福之所及也此古今所以爲異鄭氏曰聖人爲禮以制天下之心威儀之中否以驗其神明精爽之存亡詎可指登降興俯獻酬裼襲以爲末節而不之察乎先王盛時禮

教達於天下士無賢不肖皆周旋於禮文之中其節奏度數耳目習焉手足安焉不得而少差也於安且習之中而忽乖其度是必其神明精爽之不在是也三代之衰列國公侯卿大夫猶知奉禮以從事一不中節則有死生禍福之說若越椒之執幣傲叔仲惠伯知其必滅若敖氏之宗郤錡乞師於魯而將事不敬孟獻子知郤氏之必亡此類不可勝舉而其應信若龜策蓋先王所以制人心之意猶未泯滅而秉禮君子既能以自檢其身故能以身察乎人也序穀梁者以爲左失之巫後世學者不究其本遂以左氏死生禍福之說近於神怪而力排之聖人制禮精微之意替矣惜哉

四書釋地又續

鄭罕達敗宋師于老丘解宋地

今河南開封府陳留縣東北四十五里有老丘城大事表七之二

齊侯衛侯次于蘧挐

渠蔭蘧挐二名未聞古屬何國闕杜氏土地名經文渠蔭公羊

作蘧條宋地蘧挐卽渠蔭日講春秋義六十案聲並相似非

有二名也如昭卅年經徐子章羽傳作章禹之屬

八月庚辰朔日有食之丙午歲

今歷推之是月庚辰朔加時在晝交分十三日七千六百

八十五分八食限元史歷志二

城漆解邾庶其邑

案襄二十一年解南平陽縣東北有漆鄉南平陽在鄒縣

北漆鄉亦當在鄒縣北

春秋地名攷略二

補釋三十